



Broj: 02-05-27128-22/15
Sarajevo, 15.10.2015. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na 19. sjednici održanoj **15.10.2015.** godine, donijela je sljedeći

ZAKLJUČAK

1. Utvrđuje se Prijedlog zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća.
2. Predlaže se Skupštini Kantona Sarajevo da donese Zakon iz tačke 1. ovog Zaključka po skraćenom postupku u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13 i 47/13).

PREMIJER

Elmedin Konaković

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo komunalne privrede i infrastrukture
5. Kantonalna uprava civilne zaštite
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





ZAKON
O IZMJENI ZAKONA O NADLEŽNOSTIMA ORGANA VLASTI
KANTONA SARAJEVO U OBLASTI ZAŠTITE I SPAŠAVANJA LJUDI
I MATERIJALNIH DOBARA OD PRIRODNIH I DRUGIH NESREĆA

(Prijedlog)

Nosilac izrade:
Ministarstvo komunalne privrede i infrastrukture

Sarajevo, oktobar 2015. godine



Na osnovu člana 18. stav (1) tačka b) Ustava Kantona Sarajevo („Službene novine Kantona Sarajevo“, br. 1/96, 2/96-Ispravka, 3/96-Ispravka, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana _____2015. godine, donijela je

PRIJEDLOG

ZAKON
O IZMJENI ZAKONA O NADLEŽNOSTIMA ORGANA VLASTI
KANTONA SARAJEVO U OBLASTI ZAŠTITE I SPAŠAVANJA LJUDI
I MATERIJALNIH DOBARA OD PRIRODNIH I DRUGIH NESREĆA

Član 1.

U Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08 i 19/11) u članu 8. riječi: „Ministar za prostorno uređenje i zaštitu okoliša“, zamjenjuju se riječima: „Ministar komunalne privrede i infrastrukture“.

Član 2.

Ovaj Zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: _____
_____.2015.godine
Sarajevo

Predsjedavajući
Skupštine Kantona Sarajevo
Sejo Bukva

OBRAZLOŽENJE

I – PRAVNI OSNOV

Pravni osnov za donošenje ovog Zakona sadržan je u članu 18. stav (1) tačka b) Ustava Kantona Sarajevo („Službene novine Kantona Sarajevo“, br. 1/96, 2/96 Ispravka, 3/96 Ispravka, 16/97, 14/00, 4/01, 28/04 i 6/13).

Članom 18. stav (1) tačka b) Ustava Kantona Sarajevo je određeno da Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

II – RAZLOZI ZA DONOŠENJE

Stupanjem na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“ broj: 8/15) došlo je do promjena u strukturi organa uprave Kantona Sarajevo. Prema navedenom Zakonu, prestalo je sa radom Ministarstvo prostornog uređenja i zaštite okoliša a počelo je sa radom Ministarstvo prostornog uređenja, građenja i zaštite okoliša i Ministarstvo komunalne privrede i infrastrukture. Na osnovu člana 8. Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08 i 19/11) Komandant Štaba civilne zaštite po funkciji bio je Ministar prostornog uređenja i zaštite okoliša. Obzirom da je komunalna privreda i infrastruktura od značaja za rad Kantonalne uprave civilne zaštite i Štab civilne zaštite Kantona Sarajevo pristupilo se izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća.

III – FINANSIJSKA I DRUGA SREDSTVA POTREBNA ZA PROVOĐENJE ZAKONA I NAČIN NJIHOVOG OBEZBJEĐENJA

Za provođenje ovog Zakona nije potrebno obezbijevati dodatna finansijska sredstva u Budžetu Kantona za 2015. godinu jer su ista već obezbjeđena.

IV – IZJAŠNJENJE O USKLAĐENOSTI SA PROGRAMOM RADA SKUPŠTINE I VLADE KANTONA SARAJEVO

Izmjena Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća je pripremljena u skladu sa Programom rada Vlade Kantona Sarajevo.

V – OBJAŠNJENJE PRAVIH RJEŠENJA SADRŽANIH U ZAKONU

Član 8. Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća se mijenja zbog promjena u strukturi organa uprave.

VI – PROCEDURA DONOŠENJA

Predlaže se utvrđivanje prijedloga i donošenje ovog Zakona po skraćenom postupku u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13 i 47/13) jer nije u pitanju složen i obiman Zakon i samo se vrši izmjena jednog njegovog člana.



SLUŽBENE NOVINE

KANTONA SARAJEVO

br. 1/96, 2/96 Ispravka, 3/96 Ispravka, 16/97, 14/00, 4/01, 28/04 i 6/13

USTAV KANTONA SARAJEVO

Član 18.

Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;



SLUŽBENE NOVINE
KANTONA SARAJEVO

Godina XIII – Broj 39

Četvrtak, 4. decembra 2008. godine
SARAJEVO

ISSN 1512-7052

ZAKON

**O NADLEŽNOSTIMA ORGANA VLASTI KANTONA SARAJEVO
U OBLASTI ZAŠTITE I SPAŠAVANJA LJUDI I MATERIJALNIH DOBARA
OD PRIRODNIH I DRUGIH NESREĆA**

Član 8.

(Postavljenja i razrješenja u Kantonalnom štabu)

Komandanta, Načelnika i članove Kantonalnog štaba, postavlja i razrješava Vlada Kantona. Ministar za prostorno uređenje i zaštitu okoliša u Vladi Kantona, po položaju, jeste Komandant Kantonalnog štaba, a Direktor Kantonalne uprave, po položaju, jeste Načelnik Kantonalnog štaba. Sekretar Crvenog križa Kantona Sarajevo je po funkciji član Kantonalnog štaba. Za članove Kantonalnog štaba postavljaju se pomoćnici ministara i drugi rukovodeći državni službenici iz kantonalnih ministarstava i drugih kantonalnih organa uprave i državni službenici Kantonalne uprave, u skladu sa aktom o unutrašnjoj organizaciji Kantonalnog štaba, kojeg donosi Vlada Kantona na prijedlog Kantonalne uprave.

Broj 01-02-32596/08
4. decembra 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.



Broj: 09-02-27449/15
Sarajevo, 16.10.2015. godine

KANTON SARAJEVO
MINISTARSTVO KOMUNALNE PRIVREDE I INFRASTRUKTURE

PREDMET: Stručno mišljenje na prijedlog Zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća, a uvažavajući razloge koji su navedeni u obrazloženju predmetnog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), te se isti može razmatrati na jednoj od narednih sjednica Vlade Kantona Sarajevo.

Dostaviti:

- ① Naslovu
2. Evidencija
3. Arhiva



SEKRE TAR

Ahmed Ljubović, dipl.pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1





Broj: 03-05-02-27450/15
Sarajevo, 15.10.2015. godine

KANTON SARAJEVO
MINISTARSTVO KOMUNALNE PRIVREDE I INFRASTRUKTURE
gosp. Senad Hasanspahić, ministar

PREDMET: Prijedlog Zakona o izmjenama Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća, mišljenje

Vaš broj: 27-02-27440/15 od 15.10.2015. godine

Postupajući po Vašem aktu, broj i datum gornji, u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj 2/12- Prečišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11, 30/11 i 23/15), Ministarstvo pravde i uprave razmotrilo je prijedlog ovog zakona, po skraćenom postupku i daje slijedeće

M I Š L J E N J E

Prijedlog Zakona o nadležnostima organa vlasti Kantona Sarajevo u oblasti zaštite o spašavanja ljudi i materijalnih dobara od prirodnih i drugih nesreća je propis, kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.


S poštovanjem,

Dostaviti:
1. Naslovu,
2. a/a



PO OVLAŠTENJU MINISTRA

Indira Šulović, sekretar



web: <http://mpu.ks.gov.ba>
e-mail: pravda@ks.gov.ba

Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

